

Արդյո՞ք ես պետք է Կատարյալ լինեմ

Էջի Սթարք
(Հիմնված է իրական պատմության վրա)

Այս պատմությունը տեղի է ունեցել Արուբայում:

Հենրիս դանդաղ մտավ Երեխաների միության
Հսենյակ: Նա ուղքերում ծանրության զգացողություն
ունեցավ, մինչ հասավ իր աթոռին:

Նրա ուսուցիչը՝ Եղբայր Ռասը, ժպտաց նրան:
«Պատրաստ ես խոսել տաճարների մասին»,
հարցրեց նա:

«Այո», - պատասխանեց Հենրիս:

Ինչո՞ւ ասացի դա: Հենրիս մտախոհ նստեց: Նա
իրեն պատրաստ չէր զգում: Ընդհանրապես:

Հենրիսի Երեխաների միության դասարանը սովորում
էր «Կուզեմ տեսնել տաճարը» երգը:^{*} Նրա դասարանին
խնդրել էին խոսել տաճար գնալու մասին:

Բայց Հենրիս տխուր էր: Նա ցանկանում էր գնալ
տաճար, երբ բավականաչափ մեծ լիներ, բայց զգում
էր, որ շատ սխալներ է թույլ տվել:

Հենրիսի ընկերները մեկ առ մեկ ոտքի
կանգնեցին: Նրանք ուրախ էին և
ոգևորված, երբ խոսում էին
մի օր տաճար գնալու մասին:
Հենրիս իրեն ավելի ու ավելի
վատ էր զգում:



Ապա եկավ երգելու ժամանակը:
Հենրիս Երեխաների հետ միասին երգեց.
«Կատարաստվեմ, մինչ ես փոքր եմ. սա է իմ սուրբ
պարտականությունը»:

*Ինչպե՞ս կարող եմ պատրաստվել տաճար
գնալուն, երբ այդքան շատ սխալներ եմ թույլ
տալիս:* Մտածեց Հենրիս: Նա հետ ընկավ
իր աթոռին:

Երբ երգն ավարտվեց, Եղբայր
Ռասը մոտեցավ նրան: «Ամեն ինչ լա՞վ
է», - հարցրեց նա Հենրիսին:

Հենրիս հայացքը խոնարհել ու
նայում էր ձեռքերին: Ապա նա մեղմ
ձայնով ասաց. «Ես ուզում եմ տաճար գնալ, բայց
վախենում եմ, որ արժանի չեմ»: Նա խոր շունչ քաշեց:
«Ես միշտ չեմ, որ ընտանիքիս հետ համերաշխ եմ լինում:
Մոռանում եմ անել տան գործերը: Ես շատ սխալներ եմ
թույլ տալիս: Իսկապե՞ս պետք է կատարյալ լինեմ»:

Եղբայր Ռասը մեղմորեն ժպտաց: «Տաճար գնալու
համար արժանի լինելը չի նշանակում, որ դու պետք
է կատարյալ լինես: Մենք կարող ենք արժանի լինել՝
վստահելով Հիսուս Քրիստոսին և անկեղծորեն
փորձելով պահել պատվիրանները: Բոլորս էլ սխալներ
ենք թույլ տալիս, բայց կարող ենք ապաշխարել և կրկին
մաքուր լինել»:

Հենրիս մի փոքր ուղղեց մեջքը:
«Ես վստահ եմ, որ Երկնային Հայրը հպարտանում
է քեզով, քանի որ փորձում ես ավելի լավ լինել», -
ասաց Եղբայր Ռասը:

Հենրիս մտածեց այն լավ բաների մասին, որ արել էր
այդ շաբաթ: Նա մայրիկի հետ ընթրիք էր պատրաստել,
օգնել էր քրոջը կատարել տնային աշխատանքը
և դպրոցում ողջունել էր մի նոր տղայի:

Հենրիսի անհանգստությունը գնալով թուլացավ:
Նա գիտեր, որ Սուրբ Հոգին օգնում է իրեն
խաղաղություն զգալ:

Երբ եկավ Հենրիսի հերթը, նա ժպտաց և ոտքի
կանգնեց: «Ես ուզում եմ շարունակել ապաշխարել
և ավելի նմանվել Հիսուս Քրիստոսին, որպեսզի
մի օր կարողանամ մտնել տաճար», - ասաց նա:

Հենրիս իրեն երջանիկ զգաց, երբ նստեց: Մի օր
նա կկարողանար տաճարի ներսում Սստժո հետ
սրբազան ուխտեր կապել: Նա ուզում էր լավագույնս
պատրաստվել տաճար գնալու համար: ●



Ձեռք բերել ՏԱՃԱՐԱՅԻՆ ԵՐԱՇԽԱՎՈՐԱԳԻՐ

Երբ դառնաք 12 տարեկան, դուք կհանդիպեք
ձեր եպիսկոպոսի կամ ճյուղի նախագահի
հետ՝ տաճարային մկրտություններ կատարելու
նպատակով տաճարային երաշխավորագիր
ստանալու համար: Նա կհարցնի ձեզ՝ արդյոք
դուք հավատում եք Երկնային Հորը և Հիսուս
Քրիստոսին: Նա նաև կհարցնի՝ արդյոք
դուք փորձում եք գործադրել ձեր լավագույն
ջանքերը՝ պատվիրանները պահելու համար:
Մի հարց, որը չեք լսի, հետևյալն է. «Դուք
կատարյալ եք»: Երկնային Հայրը գիտի, որ
մենք սխալներ թույլ կտանք: Բայց նա ուզում
է, որ մենք ջանանք պահել պատվիրանները
և ճիշտ ընտրություններ կատարենք: Եվ
երբ մեղանչենք, Հիսուս Քրիստոսի և Նրա
Քավության շնորհիվ մենք կարող ենք
ապաշխարել:



*Հենրիս ցանկանում
էր տաճար գնալ,
բայց զգում էր, որ շատ
սխալներ է թույլ տվել:*

ՆԱՐՆԵՐԸ ԳՅՈՒՆՈՒՄԻՆՓԻ

* Children's Songbook, 95: